

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 30 (1943)

Artikel: Ord igl iert surmiran
Autor: Lozza, Alexander
DOI: <https://doi.org/10.5169/seals-882164>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Ord igl iert surmiran

da P. Alexander Lozza O.C.

Vusch dils zenns

Din! — vusch de Diu, bargir d'in nievnaschiu!
Siu egl ha in reflex dígl egl de Diu.
Miu tun, satel sco fil d'argien, repeta:
 quei ei la veta!

Dan! — vusch de Diu! Meins grevs en cumpignia
eín buordis; miez pli cuorta ei la vía.
Sils urs el catta ad agur 'na flur:
 quei ei l'amur!

Don! — vusch de Diu! Suadetsch e larmas roclan.
Gl'ei step e teis! Discletgs e cruschs el stroclan.
Miu tun ei fess, sestezza en snavur:
 quei ei dolur!

Dun! — vusch de Diu! Sulegl che penda trest!
Depona, staunchel pelegrin, il fest.
Strusch silla mar, la nav contonsch' il port:
 quei ei la mort!

Spusa

Sur questa sava, cun in vel de spusa,
tiu frunt en gelgias, rosas entamaun,
sco l'alva tras ils veiders, la damaun,
eis ti vegnida, biala, radiusa!

Suenter strusch in onn ti vas, paupretta,
la bratsch' en crusch, il crucifix sil pèz!
Tiu cor ei ruts, siu fug divin ei stezs:
per ina veta, has ti dau la veta! —

Péz Michel

Ault, rubigliau, la damaun e la sera,
arda tiu frunt, en in nimbus de brastgas,
sco digl Arzaunghel la spada de fug!

Mo ils vadretgs han ils zuolcs dellas larmas,
giu per tias vestas crappusas rucladas,
tier il pitir e murir giu la val!

Dégnis semperverds ein il mantel, che plova
giu per tias spatlas, igl ur surcusius
d'ina plascheivla steilalva: Suagnign.

Ti, sentinella perpetna, has viu
generaziuns, ch'ein vegnidas ed idas,
gest sco las auas, che vegnan e van.

Seigies rempar allas undas dil vezi,
seigies il det, ch'a nus muossa il tschiel,
seigies igl artg al paliet de nies spért.

Cardientscha, Speronza, Carezia

O sontga cardientscha,
speronza, carezia,
vus, caras cumpognas,
en pasch e tristezia,
qual' ei pli fideivla
e tonscha pli lunsch?

Cardientscha svanescha
von port' eternala,
il ver uss resplenda,
il crer ussa cala!
Siu vel ella aulza,
daventa visiun.

Speronza revolve,
el port, la navetta.
Depona las palas,
las tendas dismetta.
La fetga si' ancra,
daventa possess.

Carezia mai tschessa,
survarga las steilas.
Dieus ei carezia,
ils Sogns ein candeilas,
che sbrenzlan el tempel
dil Diu dell' amur.